

En schöne Grueß aus Franken !
Franken is äh arch groß Land
dröm wohne doe ach allerhand
verschiedene Völker beiähnd
Bayern on Preuße sen mit nont gemischt
on sogor Franzosebluet is dozwösche gezischt
on weil do so allerhand verschiedenes Bluet
brängste die Sproch ach net önner en Huet
doe gits Wörter, die kann me überhaupt net geschreib
öm die ze lerne, möst me äh ganz Johr dort bleib
die äne söwe Huse, moene ower die Hose
die äne schisse in die Huse, die annere schisse of die Hose
On so wie beim Schwatze is äh arch Gewerch
so önnerschiedlich sen ach onser Berch
do der Spessart on der Odewald
dort die Hassberch on der Steicherwald
überol do is äs schüe
in der Fränkisch Schweiz on bei ons in der Rhüe
mie hom große Fluß on klene Wässerlich
es git Dekköpf, Furell on Meefischlich
alle Sorte Bäm on seltene Blume komme für
es git Wei on Schnaps on ach äh Bier
dröm senn mie ach lustich, wanns ons ach net donoch es
der Spass es äh bessle versteckelt, dos muß me halt wes
mie forn ach em Sommer ähmol mienanner Schlidde
im Grube on Ganze sen mie ower zefriede
Och Herrgott, wann mie ach monchmol of dich zanke
eigentlich heißt dos bei ons Danke
für onser schüe Franke .

